



فاطمة
السيد

< قصة >

وعلى من الورد سيوراه

فاطمة السيد "فاطم"

رسالة من الولده سيدي

فاطمة السيد "فاطم"

والى من الولد سواك

تصميم:-

الغلاف الخارجي: فاطمة السيد

الغلاف الداخلي: فاطمة السيد

تعبئة وتنسيق: فاطمة السيد

تدقيق وتصحيح لغوي وإملائي: فاطمة السيد

تصنيف القصة: إجتماعي، رومانسي

© جميع الحقوق محفوظة لدى الكاتبة

ويُمنع أخذ أي إقتباس أو إعادة نشره في أي صورة كانت إلكترونية أو بأية وسيلة

سمعية أو بصرية دون إذن كتابي من الكاتبة.

المقدمة

– وبعد أن كُسر قلبي قبلك جئت أنت لـتحيني، جئت
تلمم فتات قلبي بعد تدميره، ومن بين هذا العالم كله
صرتُ دوائي من كل داءِ.
– ولما رأيتك أول مرّة أصبحتِ أنتِ شاغلي الشاغل،
وأصبح قلبي يدق من أجلكِ فقط، فأرفقي بقلب رجل لم
أرى نساء من بعدكِ.

الإهداء

كل عامٍ وأنتِ بخيرِ صديقتي
في مثل ذلك اليوم وُلِدَت فتاة تشبه القمر في بياضه
الناصع ونوره الخاص اللامع في السماء؛ فأُثرتِ
الأرض بمجيبك إليها جميلتي.
إلى صديقتي وأختي "منة ياسر" أهدي تلك القصة لكِ
ولو كان بإمكانني أن أهدي لكِ نجمةً من السماء لفعلت
كل عامٍ وأنتِ توأم الروح دائماً يا منة
فاطمِ أختك تُحبك كثيراً.

إهداء آخر

إلى أبي وأمي وصديقتي ندى الزيني، ياسمين سمير،
زينب الخطيب، مريم جمعة، سنا محمد
دمتُم لي خير صحبة وخير سند وخير شقائق روح.
وإلى أيضاً وحيد قلبي الذي تركني بمفردي في منتصف
الطريق، فصرتُ تائهة لا أدري كيف أسلك طريقي
وحدي!
ولكنني لذي يقين بأننا سنلتقي يوماً ما.

"العين تبكي في غيابه، والقلب يشتاق
لأحاديثه وباتت روحه تهفّ عليّ كأنها، ترد
عليّ بالشوق أثناء بُعدهِ."

كانت تجلس على مكتبها دامعة العينين تخط
آخر سطر من خاطرتها في مذكرتها وهي
تشعر ببرودة تتسرب داخل جسدها ودوار
في رأسها ثم وقفت بِبُطءٍ قليلا ونامت على
فراشها ورخت نفسها عليه وكأنها ترمي
همومها على الملك الذي لا يغفل ولا ينام
وتثق بأنه سيجبر خاطرها عاجلاً غير آجلاً،
حتى همست بشرود في نفسها:

- لحد أمتي هتفضلي تفكري فيه؟ أنتِ آخر
مرة شوفتیه كان من سنة فالجامعة قبل ما
تتخرجي وهو مدّلع مع خطيبته ولا شايفك
أصلاً، كإنك كيس شفاف، وأهو متقدم لك

شباب عجب بابا ماما وبيقولوا ألف بنت
تتمناه أنا حتى مسألتش ماما هو شغال إيه
ولا اسمه إيه!، بس أنا مينفعش أظلمه معايا
وأنا قلبي متعلق بحد غيره!

- يا منة... منة!

- أيوة يا ماما.

استقامت منة وخرجت من غرفتها بعد أن
قامت والدتها بمنادتها.

هبة بفرحة وسعادة عارمة:

- يلا تعالي بسرعة أجهزي بقى، العريس
على وصول يا بنتي... هتفضلي قاعده
فأوضتك كده، يلا يا قلب أمك ياما نفسي
أشوفك فاللحظة دي وأنتِ فاللقة يا منة.

منة بنبرة جادة تكسوها الحزن:

- يا ماما أنا مش موافقة عليه، أنا قولت
إني مش جاهزة إني أدخل فأي علاقة
خالص.

- شوفيه بس يا بنتي إدي له فرصة! مش
يمكن يعجبك حتى من طريقته ولا حتى لو
معجبك يش بس إدي لنفسك فرصة إنك
تظهري يما.

- حاضر يا أمي، حاضر هحاول.

دلفت منة إلى غرفتها بحزن شديد ورغبة
عارمة في البكاء حتى بكت وسال دمعها
على خديها وهي تحاول أن تُهدأ هذا النابض
على يسارها، وأخذت تدور بنظرها حتى
أمسكت بمصحفها وبدأت تقرأ بعض الآيات
حتى استكانت وهدأت.

حدقت بنفسها في المرآة بشرود:

- مينف عش بنت الجيار تفضل واقفة مكانها
 كده عشان حبت شخص وهو محبهاش،
 خليك أقوى، وريهم نفسك... اخرج أحكي
 للشباب ده عن إنك حبيت واحد، وافق عليك
 يبقى هو محترم وابن ناس ويستاهل إنني
 أخلع حب خالد من قلبي، موافقش يبقى
 برضو هخلع حبه من قلبي بس المرة دي
 عشان نفسي مش عشان حد.

بدأت في اختيار رداء يليق بها حتى
 استقرت على فستان وردي اللون يزينه
 بعض الفراشات على صدرها ومعه خمار
 أبيض به بعض الشرائط الوردية بأخره،
 وبدأت ترتدي ووضع القليل من ملمع
 الشفاه والكحل.

حدثت نفسها وهي تنظر لمرآتها:

- إيه القمر ده بجد؟ يا بخت أي حد أنا في
حياته والله العظيم، حقيقي بـ...

قاطعتها طرقات على باب غرفتها تبعتها
دخول والدتها حتى قالت وعيناها تلمع
بفرحة عارمة:

- من... بسم الله ما شاء الله اللهم بارك،
أخيرًا شوفتك يا قلب أمك وأنت عروسة قمر
كده.

منة بعيون دامعة:

- خلاص بقى الكلام اللي هيعيط ده يا ماما،
الفيستان لايق عليا؟

- قمر يانن عيني قمر، المهم بس زين جه
برة ومعاه أمه وأبوه وقاعد مع أبوك...
عايزاك تخرجي بالعصير وأوعي ثُقعي يا
منة أوعي.

- حاضر يا ماما متقلقيش.

خرجت منة مع والدتها وأخذت العصير
واستجمعت قوااتها ودلفت إليهم ووضعت
العصير على المنضدة ثم تلفظت على
استحياء:

- السلام عليكم، أنرثم!

وكزتها والدتها ثم قالت بابتسامة لهم:

- معلش يا جماعة، منة بس بتحب تتكلم
بالفصحى شوية... أصلها بتقرأ وبتكتب
كثير وأتعودت على كده، مش كده يا منة يا
حبيبتي؟

- صحيح يا أمي.

وبدا الحديث يدور بين والد منة - ياسر -
وزين حتى قال والدها بوجه مبتسم:

- طب يا جماعة خلونا نطلع في البلكونة
شوية ونسبب العروسين يتعرفوا على
بعض، معاكم نص ساعة.

وهمّ الجميع بالخروج حتى أصبح زين ومنة
بمفردهما.

زين ببشاشة:

- إزيك يا منة، عاملة إيه؟

قالتها بوجه خالي من المشاعر وصوت
جاف

- تمام الحمد لله

أكمل زين حديثه مُعَرِّفًا نفسه:

- أنا زين عندي ٢٤ سنة خريج كُليّة

هندسة قسم كهرباء، بشتغل ومستواي

المادي مش قليل الحمد لله.

صمت قليلاً يراقب تعبيرات وجهها...

وجدتها كما هي فأكمل بدعابة منها حديثه:

- وعلى فكرة بحب القراءة جداً وبحب

نصوصك، شكنا هنبقى كابل متفاهم نتكلم

ليل نهار فصحي بقى.

صمت مرة أخرى حتى قال بترئث:

- هو أنت طيب مش قابلاني ولا عايزة

تقولي حاجة ومش عارفة تبدأي؟

قالت بأعين مشتتة:

- عايزة أحكي لك عن حاجة جوايا ومش

عارفة ابدأ إزاي!

تهد زين مردفاً لها بهدوء:

- أتيتُ إليك حتى أسمع ما أتعبك...

تحدثي لا تخافي أنا معك...

الجميع فرّقك وفارّقك...

وأتيت أنا لألمم شتاتك وأجمعك.

بدأت منة تحكي له عن حبها لخالد وهو
مستمع لها ويحاول أن يهدأها ويطمئن قلبها
وبداخله نار تكاد تحرق قلبه، فكيف للمحب
ألا يغار على حبيبته؟، نعم يحبها فقد كان
يراقبها دائماً منذ إلتحاقها بالجامعة، وكان
يتابع الحساب الخاص بكتابتها.

ثم انتهت حديثها قائلة بصوت مبجوح:

- بس كده ودي كل حكايتي مع خالد
لخصتها لك، هي أصلاً متلخصة عشان كان
حُب من طرف واحد، عايز تمشي يا ابن
الحلال أمشي ده حقك... أنا مش هعرف
أدبك مشاعر حُب دلوقتي غير لما أنساه.
حاول زين التخلص من غصة قلبه قائلاً
بمشاكسة ليهون عليها:

- وعمالة تقولي مش عارفة ابدأ أقول إيه
ومتوترة من ساعة ماجيت، ياستي هو أنا
هَعْضُكَ؟

عادي يا منة هَوّني على نفسك حقيقي هو
الخسران، بس أنا الكسبان دلوقتي وكسبان
جِدًّا كمان، وآه على فكرة أنا هخليك تنسي
إن كان في حد اسمه خالد بتحبّيه.

اكمل حديثه يحاول تغيير حوارهما:

- مش هتعرفيني عليكِ بقي؟، بتحبي تقراي
روايات لمين؟

أنا عن نفسي بحب اقرأ رواياتك وبذات اللي
اسمها عُدْرًا حدث خطأ دي.

منة باستغراب:

- إيه! هو أنت مراقب أكونتاتي، جبتهم
منين وإزاي أصلًا؟

زين بغرور وهو يرفع ياقة قميصه ضاحكًا:

– والله دي أقل حاجة عندنا يا بيه.

وأكمل بمشاكسة مردفًا إليها:

– دعبت شوية كده لحد ما وصلت للقمر،

ردي على أسئلتى بقى فالسرير عشان

الوقت.

تحدثت منة بصوت هاديء وهي تنظر

أرضًا:

– أنا عامّة بحب اقرأ روايات أصحابي دي

حاجة أساسية عندي قبل الكل بقرأ رواية

ندي "عيار من نوع خاص" وبقراً رواية

سنا "حرب بدون راء" ومستتية فاطمة

تجن علينا وتكتب الرواية اللي بقالها من

ساعة ما اتولدت عايزة تكتبها وفاقدة

الشغف، مش عارفة الشغف بيرجع لها
أمتي دي!

- دول بس اللي بتقراي لهم؟
أكملت منة مسترسلة حديثها:

- لا طبعًا، بقراً لرحمة نبيل ودينا جمال
ومنال سالم ودكتور حنان لاشين ودكتور
خولة حمدي ودكتور عمرو عبدالحميد، دول
أكثر كُتّاب وكاتبات بحب اقرأ لهم.

- هبقى اقرأ لهم برضو، أرتحتِ شوية؟

- إلی حدٍ ما... متظلمش نفسك معايا
متحملش نفسك فوق طاقتها.

أردف زين متهدًا:

- شكل النص اللي قولته من شوية
معجبكيش!

منة... أنتِ أخف على قلبي من الفراشة.

صمتَ يراقب تعبيرات وجهها حتى رآها
مطمئنة قليلاً، ثم أكمل:

- أعتبر كده إنك موافقة يوم ما أبقى تعبان
من الدنيا، ألاقيك ملاذي؟

أكملت معقبة على حديثه وهي تنظر له
مبتسمة:

- وملجأك الوحيد.

"تمت بحمد الله"

٢٠٢٤/٧/١٣